



201 _____ ЖЫЛҒЫ _____

Астана, Үкімет Үйі

« _____ » _____ 201 _____ г.

№ _____

№ исх: 11-21/635 от: 18.03.2017

**Қазақстан Республикасы
Парламенті Мәжілісінің
депутаттарына**

2017 жылғы 23 ақпандағы № ДЗ-54

Құрметті депутаттар!

Сіздердің Қазақстан Республикасы Ауыл шаруашылығы министрлігі Орман шаруашылығы және жануарлар дүниесі комитетінің (бұдан әрі – Комитет) көктемгі аңшылыққа тыйым салған 2016 жылғы 24 қарашадағы № 265 бұйрықты қабылдауының заңдылығына қатысты депутаттық сауалдарыңызды қарап, мынаны хабарлаймын.

Жануарлар дүниесі объектілерін пайдалануға шектеулер мен тыйым салуды енгізу туралы шешімдер жануарлар дүниесі объектілерінің жай-күйінің сандық және сапалық өзгерістерін бақылау мақсатында олардың санының жыл сайынғы есебін алу нәтижелері бойынша қабылданады.

Комитет уәкілетті органның ведомствосы ретінде белгіленген құзіретіне сәйкес жануарлар дүниесі объектілерін сақтау мақсатында мемлекеттік экологиялық сараптамадан өткен биологиялық негіздеме бойынша жануарлар дүниесі объектілерін пайдалануға шектеулер қою және тыйым салулар енгізу туралы шешімдер қабылдауға және оларды пайдалану орындары мен мерзімдерін белгілеуге құқылы.

Осыған байланысты уәкілетті орган Қазақстан биоалуантүрлілікті сақтау ассоциациясымен (бұдан әрі – ҚБСА), Білім және ғылым министрлігінің Зоология институтымен (бұдан әрі – Зоология институты) бірлесіп, өткен жылдардың жануарлар санын есепке алу деректері негізінде жыл құстарына республикада көктемгі аңшылыққа тыйым салуды енгізу және бір құс түрін алудың тәуліктік нормасына шек қою мәселесін пысықтаған болатын.

ҚБСА және Зоология институты талқылау нәтижелері бойынша көктемгі аңшылыққа тыйым салуды енгізу және бір құс түрін алудың тәуліктік нормасына шек қою бойынша биологиялық негіздеме дайындап, Энергетика министрлігінен мемлекеттік экологиялық сараптаманың оң қорытындысын алды.

Комитет 2016 жылғы 25 қазанда көктемгі аңшылыққа тыйым салу және, кәсіпшілік аңшылықты қоспағанда, құстар мен терісі бағалы аңдардың әр түріне тәуліктік алып қою мөлшеріне бір аңшыға бес даракқа дейін шектеу қойылуын талқылау мақсатында бейне-конференция байланысы режимінде мәжіліс өткізіп, онда аталған мәселелер онлайн режимінде талқыланды. Мәжіліс жұмысына қоғамдық мекемелердің, аңшылық шаруашылығы субъектілерінің, ғылыми ұйымдардың және

құқық қорғау органдарының өкілдері қатысты. Республика облыстарында 2016 жылы 27 қазаннан бастап 3 қарашаға дейін табиғат пайдаланушылар мен бұқаралық ақпарат құралдарының қатысуымен дөңгелек үстелдер өтті.

Дөңгелек үстелдің негізгі мақсаты аңшылық ісін пайдаланушылар мен аңшыларға жыл құстарының жай-күйін және көктемдік аңшылыққа тыйым салуды енгізу қажеттілігі мен, кәсіпшілік аңшылықтан басқа, суда жүзетін құстардың бір түрін алудың тәуліктік нормасына шектеу қойылуын жан-жақты түсіндіру болды.

Жабайы қанатты жыл құстарының ұя салу және көбею кезеңінде (көктем мезгілі) олардың түрлерін сақтау мақсатында биологиялық негіздеме мен мемлекеттік экологиялық сараптаманың оң қорытындысы негізінде Комитет 2016 жылғы 24 қарашада *«Жануарлар дүниесі объектілерін, олардың бөліктері мен дериваттарын пайдалануға шектеу мен тыйым салуды енгізу, оларды пайдалану орындары мен мерзімдерін белгілеу туралы» Қазақстан Республикасы Ауыл шаруашылығы министрлігі Орман шаруашылығы және жануарлар дүниесі комитеті төрағасының міндетін атқарушының 2015 жылғы 24 шілдедегі № 190 бұйрығына өзгерістер мен толықтырулар енгізу туралы» № 265 бұйрығын қабылдады (бұдан әрі – Бұйрық), онда 2017 жылғы 16 ақпаннан бастап 14 маусымға дейінгі кезеңде аңшылыққа тыйым салу, сондай-ақ құстар мен терісі бағалы аңдардың бір түрін алып қоюдың тәуліктік нормасын бір аңшыға 5 (бес) даракқа дейін шектеу белгіленген.*

Аталған бұйрық мемлекеттік тіркеуге ұсынылып, тиісті заң сараптамасынан өткеннен кейін 2016 жылғы 21 желтоқсанда № 14548 болып тіркелді.

Осы Бұйрықтың Қазақстан Республикасы Ауыл шаруашылығы министрлігінің 2015 жылғы 27 ақпандағы № 18-03/157 бұйрығымен бекітілген Аң аулау қағидаларына (бұдан әрі – Қағидалар) қайшы келуі мәселесіне келетін болсақ, осы Қағидалардың 11-қосымшасында аң аулауды өткізу мерзімдері ғана көрсетілген.

Алайда *«Жануарлар дүниесін қорғау, өсімін молайту және пайдалану туралы» Қазақстан Республикасы Заңының 9-бабы 1-тармағының 62) тармақшасы мен Қазақстан Республикасы Үкіметінің 2005 жылғы 6 сәуірдегі № 310 қаулысымен бекітілген Қазақстан Республикасы Ауыл шаруашылығы министрлігі туралы ереженің 17-тармағының 378) тармақшасына сәйкес Комитетке жануарлар дүниесі объектілерін, олардың бөліктері мен дериваттарын пайдалануға шектеу қою және тыйым салуды енгізу туралы шешім қабылдау құзыреті берілген.*

Осы айтылғандардың негізінде Комитет осы Бұйрықты заңнамада көзделген өзінің құзыреті шегінде қабылдады және ол жоғарыда көрсетілген Қағидаларға қайшы келмейді.

А. Мырзахметов